

quantum in actionibus robur, quantus in zelo terror, quanta denique ipsi cum hoste conflictuum assiditas, numerositas triumphorum. Denique in consequentibus legitur; *Terribilis ut castrorum acies ordinata* (*Cant. vi, 3*) ; et item : *Quid videbis, inquit, in Sunamite, nisi chorus castorum?* (*Cant. vii, 1*). Aut si id tibi non placet, noveris hujusmodi animam nunquam esse sine angelorum custodia, qui eam æmulantur Dei æmulatione, solliciti suo viro servare, et virginem castam exhibere Christo. Et ne dixeris in corde tuo : Ubi sunt? quis eos vidit? Vedit eos propheta Elisæus, insuper et fecit orando, ut videret etiam Giezi (*IV Reg. vi, 16, 17*). Tu non vides, quia non es propheta, nec puer propheta. Vedit patriarcha Jacob, et ait : *Castra Dei sunt haec* (*Gen. xxxii, 2*). Vedit et doctor gentium, qui dicebat : *Nonne omnes administratorii spiritus sunt, missi in ministerium propter eos qui haereditatem capiunt salutis?* (*Hebr. i, 14*).

6. Ergo angelicis fulta ministeriis, et superno stipta agmine sponsa incendens, similis est equitatu Domini; illi utique, qui quondam in curribus Pharaonis tam stupendo divini adjutorii miraculo triumphavit. Si enim diligenter advertas, cuncta quæ ibi miraris magnifice perpetrata, invenies hic nihilominus admiranda. Nisi quod in eo nunc magnificientius triumphatur, quod quæ illic corporaliter præcesserunt, hic spiritualiter adimplentur. An non tibi nempe multo fortius longeque gloriosius esse videtur, diabolum prostertere, quam Pharaonem; atque aerias debellere potestes, quam currrus Pharaonis subvertere? Ibi denique pugnatum est adversus carnem et sanguinem; hic adversus principes et potestates, adversus mundi rectores tenebrarum harum, contra spiritualia nequitiae in coelestibus (*Ephes. vi, 12*). Et prosequere modo mecum singula proportionis membra. Ibi populus eductus de Ægypto, hic homo de sæculo; ibi prosteritur Pharaon, hic diabolus; ibi subvertuntur currus Pharaonis, hic carnalia et sæcularia desideria, quæ militant adversus animam, subruuntur; illi in fluctibus, isti in fletibus; marini illi, amari isti. Puto et nunc clamare dæmonia, si forte contingat incidere in talem animam : *Fugiamus Israelem, quia Dominus pugnat pro eo* (*Exod. xiv, 25*). Visne etiam aliquos de principibus Pharaonis propriis tibi designem nominibus, et de curribus describam, ad instar quorum tu quoque alios, si qui sunt, per te ipsum valreas invenire? Magnus quidam princeps spiritualis atque invisibilis regis Ægypti profecto Malitia est, magnus **1408** Luxuria, magnus Avaritia. Et hi quidem possident terminos suos sub rege suo, sicut sui cuique assignati sunt. Nam Malitia in omni regione maleficiorum atque facinorum dominatur; Luxuria omni inamunditiae et turpitudini carnis præest; Avaritia in partes rapinæ et fraudis sortita est principatum.

(203) In editis plerisque additur *parvulo papilione*,

A 6. Accipe nunc quoque quales his suis principibus Pharaon præparaverit currus ad persequendum populum Dei. Habet namque Malitia currum suum rotis quatuor consistentem : Sævitia, Impatientia, Audacia, Impudentia. Valde etenim velox est currus iste ad effundendum sanguinem, qui nec innocentia sistitur, nec patientia retardatur, nec timore frenatur, nec inhibetur pudore. Trahit autem duobus admodum perniciibus equis, et ad omnem perniciem paratissimis, terrena Potentia, et sæculari Pompa. Tunc namque quadriga ista malitiæ currit valde velociter, cum hinc quidem potentiae effectus subest ejus adimplendis malitiosis conatus; inde plausus pompa arridet perpetratis sceleribus, ut sermo impleatur qui scriptus est : *Quoniam laudatur peccator in desideriis anime sue, et iniquus benedicitur* (*Psalm. ix, 3*); et iterum alia Scriptura : *Hæc est, inquit, hora vestra, et potestas tenebrarum* (*Luc. xxii, 52*). Porro præsident duobus his equis aurigæ duo, Tumor et Livor; et tumor quidem pompa, livor vero potentiam agit. Is enim rapido fertur diabolicarum amore pompare, cuius apud se cor prius intumuit. Nam, quod in se firmiter stat timore compressum, gravitate modestum, humilitate solidum, puritate sanum, aura hujus vanitatis nequaquam leviter rapietur. Item terrena jumentum potentiae nonne invidia agitur, et quasi quibusdam livoris urgetur hinc inde calcaribus, suspicione utique deceendi, et metu succumbendi? Aliud est enim quod suspectus est successor, et aliud quod timetur invasor. His itaque stimulis terrena potentia continue agitatur. Et currus quidem malitiæ sic se habet.

B 7. Luxuriæ vero currus quadriga nihilominus volvit vitiorum, Ingluviæ videlicet ventris, Libidine coitus, Mollitie vestium, otii soporisque Resolutione. Trabitur equis æque duobus, Prosperitate vita, et rerum Abundantia; et qui his præsident duo, ignaviae Torpor, et infida Securitas: quia et copia ignaviam solvit, et secundum Scripturam : *Prosperitas stultorum perdet illos* (*Prov. i, 32*); non sane ob aliud, nisi quoniam male securos reddit: *Cum autem dixerint, Pax et securitas; tunc subitanus superveniet eis interitus* (*I Thess. v, 3*). Hi calcaria minime habent, neque flagella, vel aliquid hujusmodi, sed pro his utuntur conopeo (203) ad faciendam umbram, et flabello ad citandum ventum. Porro conopeum Dis simulatio est, umbram faciens, et protegens ab æstu curarum. Proprium namque est mollis et delicata animæ etiam necessarias dissimulare curas, et ne æstuantes sollicitudines sentiat, sub latibulo dissimulationis abscondi. Flabellum vero Effusio est, ventum adulacionis apportans. Largi sunt enim luxuriosi, ementes auro ventum de ore adulatorum. Et de hoc satis.

8. Jam vero Avaritia rotis et ipsa vehitur quatuor vitiorum, quæ sunt Pusillanimitas, Inhumanitas, Contemptus Dei, mortis Oblivio. Porro jumenta tra-

quod glossema est marginale in scriptis.

A hentia, Tenacitas, et Rapacitas; et his unus auriga ambolus presidet, habendi Ardor. Sola siquidem Avaritia, quoniam conducere plures non patitur, uno contenta est servitore. Ipse vero injuncti operis promptus admodum aique infatigabilis executor. urgendis sane jumentis trahentibus, flagris utitur acerimis, Libidine acquirendi, et Metu amittendi.

9. Sunt et alii principes regis Ægypti habentes et ipsi currus suos in expeditione domini sui, sicut Superbia, quæ unus est de majoribus principibus; sicut inimica fidei Impetas, magnum et ipsa tenens locum in domo et regno Pharaonis; et multi adhuc sunt alii inferioris ordinis satrapæ et equites, quorum non est numerus in Pharaonis exercitu; quorum et nomina, et **1409** officia, necon et arma et apparatus eorum vestris studiis, ut in his exerceamini, inquirenda relinquo. In istorum itaque principum fortitudine, curruumque suorum, invisibilis Pharaon ubique discurrens, in omnem familiam Domini, quibus protest viribus, more tyrannico debacchatur, in his etiam his diebus exuentem Israel de Ægypto insequitur. At ille nec subvectus curribus, nec protectus armis; nihilominus tamen sola Domini manus confortatus, secure decantat: *Cantemus Domino, gloriose enim honorificatus est; equum et ascensorem project in mare* (*Exod. xv, 1*); item : *Hi in curribus et hi in equis; nos autem in nomine Domini Dei nostri invocabimus* (*Psalm. xix, 8*). Et hæc dicta sint pro adducta similitudine de equitatu Domini, et curribus Pharaonis.

10. Post hæc amica appellatur. Nam ipse quidem et ante liberationem amicus erat, alioquin non liberasset quam non amasset; sed illa beneficio liberatio adducta est ut esset amica. Audi denique contentem. Non quia dilexerimus eum nos, inquit, sed ipse prior dilexit nos (*I Joan. iv, 10*). Recordare nunc mihi Moysi et Æthiopisse, et agnosce jam tunc præfiguratum conjugium Verbi et animæ peccataricis; et discerne, si potes, quid tibi dulcius sapiat in consideratione suavissimi sacramenti, Verbine, nimium benigna dignatio, an animæ inæstimabilis gloria, an inopinata fiducia peccatoris. Sed non potuit Moyses Æthiopisse mutare pellem, potuit Christus. Sequitur enim : *Pulchræ sunt genæ tuæ, sicut turturis*. Sed hoc sermoni alteri reservetur; ut semper quæ in mensa Sponsi nobis apponuntur, cum aviditate sumentes, eructemus in ipsius laudem et gloriam, Jesu Christi Domini nostri, qui est super omnia Deus benedictus in sæcula. Amen.

SERMO XL.

Quod intentio sit facies animæ: quæ sit ejus pulchritudo aut deformitas; quæ ejusdem solitudo et pudicitia.

1. *Pulchræ sunt genæ tuæ, sicut turturis* (*Cant. i,*

9). Tenera est sponsæ verecundia; et ad increpatiōnem sponsi, puto, facies ejus rubore suffusa est, pulchriorque ex eo apparens, illico audit : *Pulchræ sunt genæ tuæ, sicut turturis*. Vide autem ne carnaliter cogites coloratam carnis putredinem, et puru-

lentiam flavi sanguineive humoris, vitreæ cutis superficiem summatum atque æqualiter suffundentem: e quibus sibi invicem moderate permistis, ad venustam genarum effigiem rubior subpallidus in efficientiam corporeæ pulchritudinis temperatur. Alioquin incorporea illa animæ invisibilisque substantia, nec corporeis distincta membris, nec visilibus exstat fucata coloribus. Tu vero spiritualem essentiam spirituali, si potes, attinge intuitu, et ad coaptandum propitiae similitudinis schema cogita animæ faciem, mentis intentionem, ex qua nimur rectitudo operis, sicut ex facie pulchritudo corporis, estimatur. Porro verecundiam intellige, tanquam colorem in facie, quod hæc potissimum virtus et venustatem ingerat, et augeat gratiam. *Pulchræ ergo sunt genæ tuæ, sicut turturis*. Poterat usitatus faciem ponere et describere pulchram, sicut solet, cuius pulchritudo laudatur, pulchra facie seu decora facie dici: sed nescio quid sibi voluerit, ut magis genas pluraliter dicendum putaverit, nisi quod minime id crediderim otiosum. Spiritus namque sapientia loquitur, cui non est fas vel modicum quid omnino ascribere otiosum, aut secus dictum quam oportuerit. Est itaque sine dubio causa, quæcumque illa sit, cur pluraliter genas maluerit, quam singulariter faciem dicere. Et si tu melius non habes, ego quod mihi videtur aperio.

2. Duo quædam in intentione, quam faciem animæ esse diximus, necessario requiruntur, res et causa; id est, quid intendas, et propter quid. Et ex his sane duobus animæ vel decor, vel deformitas judicatur; ut, verbi causa, anima, que ambo ista recta atque pudica habuerit, illi merito veraciterque dicatur: *Pulchræ sunt genæ tuæ, sicut turturis*. Quæ vero altero **1410** horum earuerit, non poterit dici de ea, quod pulchræ sint genæ ejus sicut turturis, propter eam, quæ adhuc ex parte erit, deformitatem. Multo autem minus illi hoc poterit convenire, quæ neutrum horum habere laudabile invenitur. At id totum fiet planius in exemplis. Si, verbi causa, intendat quis animum inquirendæ veritati, atque id solo veritatis amore; nonne is tibi videtur et rem, et causam habere honestam, meritoque sibi vindicare quod dicitur: *Pulchræ sunt genæ tuæ, sicut turturis?* quippe cui in neutra genarum nævus reprehensionis appearat. Quod si minime quidem veritatis desiderio, sed aut inanis gloriæ, aut alterius qualisunque commodi temporalis obtentu in veritatem intenderit: jam, etsi unam genarum videatur habere formosam, non tamen, ut arbitror, dubitabis judicare vel ex parte deformem, cuius alteram faciem causæ turpitudine foedaverit. Si autem videris hominem nullis honestis studiis intendentem, sed carnis illecebris irretitum, ventri et luxuriæ deditum quales sunt illi, quorum deus venter est, et gloria in confusione eorum, qui terrena sapiunt (*Philipp. iii, 19*): quid istum? nonne ex utraque parte foedissimum judicabis, in ejus utique intentione et res, et causa reprobâ invenitur?

3. Ergo intendere non in Deum, sed in sacerdotum, sacerdotalis animae est, nec ullam prorsus generum speciosam habentis. Intendere autem quasi in Deum, sed non propter Deum, hypocritae plane animae est: cuius etsi una facies decora videtur, quod ad Deum qualicunque intentione respiciat; ipsa tamen simulatio omne in ea decorum exterminat, et magis per totum ingerit foeditatem. Si autem vel solum, vel maxime, ob vitae praesentis necessaria ad Deum converterit intentionem; non quidem fecerit hypocritis putidam, pusillanimitatis tamen vitio dicimus subobscuram, et minus acceptam. Porro e contrario intendere in aliud quam in Deum, tamen propter Deum; non otium Mariae, sed Marthae negotium est. Absit autem ut hujusmodi est, quidquam illam dixerim habere deformem! Nec tamen ad perfectum affirmaverim pervenisse decoris: quippe quae adhuc sollicita est et turbatur erga plurima, et non potest terrenorum actuum vel tenui pulvere non respergi. Quem tamen cito facileque deterget vel in hora sanctae dormitionis casta intentio, et bona conscientiae interrogatio in Deum. Ergo solum inquirere Deum propter ipsum solum, hoc plane est utramque bipartitae intentionis faciem habere pulcherrimam; atque id proprium ac speciale sponsae, cui merito singulari praerogativa audire conveniat: *Pulchra sunt genae tue, sicut turturis.*

4. Cur vero, *sicut turturis?* Pudica avicula est, et conversatio ejus non cum multis, sed solo degere fertur contenta compare, ita ut si illum amiserit, alterum non requirat, sed sola deinceps conversetur. Tu ergo qui haec audis, ut sane non otiose audias ea quae scripta sunt propter te, et nunc propter te versantur et disputantur: tu, inquam, si ad istiusmodi Spiritus sancti incitamenta moveris, et inardescis dare operam, quomodo animam tuam facias sponsam Dei; stude ambas speciosas habere has genas tue intentionis, ut imitator castissimae volucris, sedeas, secundum prophetam, solitarius, quoniam levasti te supra te (*Thren.* III, 28). Omnino supra te est, angelorum Domino despontari. An non supra te, adhaerere Deo atque unum spiritum esse cum eo? Sede itaque solitarius, sicut turtur. Nihil tibi et turbis, nihil cum multitudine ceterorum; etiamque ipsum obliviscere populum tuum, et domum patris tui et concupisces rex decorem tuum (*Psalm.* CXLV, 11, 12). O sancta anima, sola esto, ut soli omnium serves te ipsam, quem ex omnibus tibi elegisti. Fuge publicum, fuge et ipsos domesticos; recede ab amicis et ntimis, etiam et ab illo qui tibi ministrat. An nescis te verecundum habere sponsum, et qui nequaquam suam velit tibi indulgere presentiam praesentibus ceteris! Secede ergo, sed mente, non corpore; sed intentione, sed devotione, sed spiritu. Spiritus enim ante faciem tuam Christus Dominus spiritusque requirit, 1411 non corporis solitudinem, quanquam et corpore interdum non otiose te separas, cum opportune potes, praesertim in tempore orationis. Tenes etiam in hoc et manda-

A tum sponsi, et formam: *Tu, inquit, cum oraveris, intra in cubiculum tuum et clauso ostio ora* (*Matth.* vi, 6). Et quod dixit, fecit. Solus in oratione pernoctabat, non modo se abscondens a turbis, sed nec ullum quidem discipulorum, nec ullum domesticorum admittens (*Luc.* vi, 12, 13). Denique tres secum intimos sibi adduxerat, cum ulti properaret ad mortem; avulsus est et ab ipsis orare volens (*Matth.* xxvi, 37-39). Ergo et tu fac similiter, quando orare volueris.

5. De cetero sola indicitur tibi mentis et spiritus solitudo. Solus es, si non communia cogites, si non affectes praesentia, si despicias quod multi suscipiunt, si fastidias quod omnes desiderant, si jurgia devites, si damnata non sentias, si non recorderis injuriarum. Alioquin nec si solus corpore es, solus es. Videsne posse esse te et solum, cum inter multos; et inter multos, cum solus es? Solus es in quantacunque hominum verseris frequentia: tantum cave aliena conversationis esse aut curiosus explorator, aut temerarius judex. Etiamsi perperam actum quid deprehendas, nec sic judges proximum, magis autem excusa. Excusa intentionem, si opus non potes; puta ignorantiam, puta subreptionem, puta casum. Quod si omnem omnino dissimulationem rei certitudine recusat, suade nihilominus ipse tibi, et dicit apud temetipsum: *Vehemens fuit nimis tentatio, quid de me illa fecisset, si accepisset in me simili potestatem?* Et memento, me modo alloqui sponsam, et non amicum sponsi instruere, cui alia ratio est diligenter observandi ne quis peccet, et explorandi an peccet, et emendandi si peccatum fuerit. A qua sane necessitate sponsa libera est, soli vivens sibi, et ipsi, quem diligit, sponso pariter et Domino suo, qui est super omnia Deus benedictus in secula. Amen.

SERMO XLI.

Qualiter sponsa recipit interim magnam consolationem de contemplatione divinae claritatis, antequam perveniat ad claram ejus visionem.

1. *Collum tuum sicut monilia* (*Cant.* I, 9). Solet ornari collum monilibus, non ipsis comparari. Sed hoc illae faciant, quibus quia de proprio non inest decor, aliunde necesse est ut mendicent, unde se speciosas mentiantur. Nam sponsae colluunt ita in se ipso formosum, et tam decenter quasi natura formatum est, ut extrinsecus non requirat ornatum. Quid enim opus est peregrinorum fucos adhibere colorum, cui propria, et tanquam innata sufficit pulchritudo, in tantum ut ipsum quoque, quae ad ornandum queruntur monili possit adaequare nitorem? Hoc nempe intelligi voluit, qui minime quidem a collo, ut assolet, pendere monilia, sed ipsum potius esse *sicut monilia* dixit. Non jam invocandus est nobis Spiritus sanctus, ut sicut spirituales sponsae genas sua dignatione tribuit invenire, ita etiam ipsis spirituale collum demonstrare dignetur. Et meo quidem intellectu (quia mihi incumbit loqui quae sentio) nihil interim verisimilius pro-

Babiliusve eluet, quam ipsum animae intellectum colli nomine designari. Tu quoque idem, ut urbitror, approhabis, si advertas similitudinis rationem. An non siquidem tibi videtur colli quodam modo vice fungi intellectus, per quem tua anima trajicit in se spiritus vitalia alimenta, atque in quedam transfundit viscera morum, affectumque suorum? Hoc ergo sponse collum, id est purus et simplex intellectus, eum nuda et aperta veritate satis per se ipsum reniteat, non indiget ornamento; sed ipsum magis, tanquam pretiosum monile, animam decenter exornat, ac proinde simile monilibus 1412 describitur. Bonum monile veritas, bonum puritas sive simplicitas, bonum plane monile sapere ad sobrietatem. Philosophorum vel haeticorum intellectus non habet hunc in se puritatis, veritatisque nitorem: et ideo multam curam gerunt ipsum colorare et fucare phaleris verborum, et versutiis syllogismorum, ne, si nudus appareat, falsi etiam apparet turpitudo.

2. Sequitur: *Murænulas aureas faciemus tibi, vermiculatas argento.* Si, faciam, singulariter, et non pluraliter, faciemus, dixisset, absolute et iudicabat hoc etiam loqui sponsum pronuntiassem. Nunc autem vide ne forte magis sodalibus ejus congruentiusque assignemus, sponsam quasi consolantibus tali promissione, quod donec perveniat ad visionem ejus, cuius sic flagrat desiderio, facturi sint illi murænulas pulchras et pretiosas, quae sunt aurum ornamenta. Atque hoc propterea, ut opinor, quia fides ex auditu; et quandiu per fidem ambulatur et non per speciem, danda opera potius instruendo auditui, quam visui exserendo [alias, exercendo]. Frustra namque intenditur oculus qui non sit fide mundatus, cum solis qui mundo corde sunt, videndi copia promittatur (*Matth.* v, 8). Scriptum vero est: *Fide mundans corda eorum* (*Act.* xv, 9). Quia ergo fides ex auditu, et ex illa visus purgatio est, merito illi ornantis auribus intendebant, dum auditus, sicut ratio docuit, visus sit preparatio. Tu, inquit, o sponsa, intuendæ dilecti inhias claritati; sed hoc alterius temporis est. Damus autem in praesentiarium ornamenti auribus tuis, quod erit tibi interim consolatio, erit et preparatio ad hoc ipsum quod postulas, ac si illud prophetæ ei dicant: *Audi, filia, et vide* (*Psalm.* XLIV, 11). Videre desideras, sed audi prius. Gradus est auditus ad vi. um, Proinde audi, et inclina aurem tuam ornamenti quae tibi facimus, ut per auditus obedientiam ad gloriam pervenias visionis. Nos auditui tuo damus gaudium et laetitiam. Nam visui non est nostrum dare (in quo gaudii plenitudo et tui desiderii adimpleto est), sed illius quem diligit anima tua, Ipse ut gaudium tuum plenum sit, ostendet se ipsum tibi; ipse adimplebit te laetitia cum vultu suo. Tu interim accipe ad consolationem murænulas has de manu nostra; ceterum delectationes in dextera ejus usque in finem.

3. Advertendum cujusmodi ei murænulas offerunt: *Aureas, inquit, et vermiculatas argento.* Aurum divinitatis est fulgor, aurum sapientia quæ desursum est. Hoc auro fulgentia quedam quasi veritatis signacula spondent se figuratos hi, quibus id ministerii est, superni aurifices, atque internis animæ auribus insesturos. Quod ego non puto esse aliud, quam texere spirituales quasdam similitudines, et in ipsis purissima divinæ sapientiae sensa animæ contemplantis conspectibus importare, ut videat, saltem per speculum et in ænigmate, quod nondum facie ad faciem valet ullatenus intueri. Divina sunt, et nisi expertis prorsus incognita quæ effamur; quomodo videlicet in hoc mortali corpore, fide adhuc habente statum, et nequam propalata perspicui substantia luminis, jam tamen [alias, interim] puræ interdum contemplatio veritatis partes suas agere intra nos vel ex parte presumit; ita ut liceat usurpare etiam alicui nostrum, cui hoc datum desuper fuerit, illud Apostoli: *Nunc cognosco ex parte; item, Ex parte cognoscimus, et ex parte prophetamus* (*I Cor.* XIII, 12, 9). Cum autem divinus aliquid raptim et veluti in velocitate coruscí luminis interluxerit menti spiritu excedenti, sive ad temperamentum nimii splendoris, sive ad doctrinæ usum, continuo, nescio unde, ad sunt imaginariæ quedam rerum inferiorum similitudines, infusionis divinitus sensis convenienter accommodatae, quibus quodam modo adumbratus purissimus ille ac splendidissimus veritatis radius, et ipsi animæ tolerabilior fiat, et quibus communicare illum voluerit, capabilior. Existimo tamen ipsas formari in nobis sanctorum suggestionibus angelorum, sicut econtrario contrarias 1413 et malas ingeri immissiones per angelos malos non dubium est.

3. Et fortassis hinc illud est speculum atque ænigma, ut dixi, per quod videbat Apostolus (*I Cor.* v, 12), ex istiusmodi puris pulchrisque imaginationibus angelorum quasi manibus fabricatum: quatenus et Dei esse, quod purum et absque omni phantasiam corporearum imaginum cernitur, sentiamus; et elegantem quamlibet similitudinem, qua id digne vestitum apparuerit, ministerio deputemus angelico. Quod signasse expressius videtur alia interpretatio, dicens *Similitudines auri fabri faciemus tibi, cum distinctionibus argenti* (*Cant.* I, 10, juxta LXX. Unum est, cum distinctionibus argenti, et vermiculatas argento. In quo mihi significare videtur non modo similitudines intus per angelos suggeri, sed nitorem quoque eloquii per ipsos extrinsecus ministrari, quo congrue atque decenter ornatae, et facilis ab auditoribus capiantur, et delectabilius. Quod si dixeris: *Quid eloquio et argento!* dicit tibi propheta: *Eloquia Domini, eloquia casta, argentum igne examinatum* (*Psalm.* XI, 7). Ita ergo illi coelestes administratori spiritus peregrinanti in terris sponsae faciunt murænulas aureas, vermiculatas argento.

5. Vide autem quomodo illa aliud cupit, et aliud accipit: et nitenti ad contemplationis quietem labor prædicationis imponitur; et sitiensi sponsi præsentiam, filiorum sponsi pariendorum, alendo-

rumque sollicitudo injungitur. Neque nunc tantum accidit illi hoc; sed et alia vice, ut memini, cum sponsi amplexus et osculis suspiraret, responsum est ei: *Quia meliora sunt ubera tua vino* (*Cant. 1, 4*); ut ex hoc se intelligeret matrem, atque ad dandum lac parvulis, nutriendumque filios revocari. Fortassis et in aliis cantici hujus locis hoc ipsum tu quoque, nisi piger sis ad inquirendum, per te ipsum advertere poteris. An non res ista quondam in sancto patriarcha Jacob praefigurabatur, cum frustratus optatis diuque expectatis Rachelis amplexibus, prosterili et decora secundum et lippam invitum atque ignarus accepit? (*Gen. xxix, 23, 23*.) Ita ergo nunc sponsa scire cupiens et inquirens, ubi in meridianis horis dilectus pascat et cubet, murænulas pro eo reportat aureas, vermiculatas argento; id est, sapientiam cum eloquentia; *hanc* dubium quin ad prædicationis opus.

6. Docemur ex hoc sane, intermittenda plerumque dulcia oscula propter lactantia ubera; nec cuiquam sibi, sed omnibus esse vivendum (204). Vae qui bene de Deo et sentire, et eloqui acceperunt, si quæstum æstiment pietatem; si convertant ad inanem gloriariam, quod ad lucra Dei acceperant erogandum; si alta sapientes, humilibus non consentiant. Pavent quod in propheta legitur, dicente Domino: *Dedi eis aurum meum et argentum meum; ipsi autem de argento et auro meo operati sunt Baal* (*Ose. 11, 8*). Tu ergo audi quid sponsa, accepta hinc quidem increpatione, inde vero promissione, responderit. Neque enim vel de promissis extollitur, vel pro repulsa irascitur; sed, sicut scriptum est: *Corripe sapientem, et amabit te* (*Prov. 9, 8*); et item quod ad donationes et promissiones spectat: *Quanto major es, humili te in omnibus* (*Ecli. iii, 20*); quod ex ejus responsione melius utrumque patebit. Sed ipsa, si placet, discussio in aliud sermonis principium differratur, et de iis quæ dicta sunt, glorificemus Sponsum Ecclesiæ Dominum nostrum Jesum Christum, qui est super omnia Deus benedictus in sæcula. Amen.

SERMO XLII.

De duplice humilitate: una videlicet, quam parit veritas; et altera, quam inflammat charitas.

1. Cum esset rex in accubitu suo, nardus mea dedit odorem suum (*Cant. 1, 11*). Hæc sunt verba sponsæ, quæ in hodiernum diem distulimus; hoc responsum, quod dedit 1414 ubi increpata est a sponso, non tamen sponso, sed ejus sodalibus: quod facile est advertere ex verbis ipsis. Cum enim non dicit, quasi ad secundam personam: Cum essem rex in accubitu tuo, sed: *Cum esset in accubitu suo*, patet quod non id ipsum loquitur, sed de ipso. Puta proinde sponsum, ubi eam (quatenus visum fuit) aut corripuit, aut repressit, comperta ex suffusione generum revercundia, cessisse loco, ut illa se absente loqueretur liberius quæ sentiret; sed et si pavidior, ut assolet, quam oportuerit, et dejectior animo facta esset, so-

(204) Editi primi habent sed omnes illi qui mortuus est pro omnibus esse vivendum.

(205) Genmet, addit mea.

A dalium eam consolaciones erigerent. Quod tamen et per se ipsum facere non neglexit, quantum judicavit pro tempore oportere. Nam ut clarum relinqueret quantum sibi in illa correptione complacuit, quippe quam sensit digne et prout oportuit acceptari, non sane ante se absentavit quam ex abundantia (quod non est dubium) cordis prorumperet in laudes ejus, et generum collique ipsius pulchritudinem commendaret. Propterea et qui cum ipsa remanent, blande loquuntur illi, et munera offerunt, scientes Domini voluntatem. Ad ipsos ergo responso ejus. Et littoralis quidem contextio schematis ita se habet.

B 2. Sed priusquam ex hac testa nucleus spiritus elicere inchoemus, dico unum breviter. Felix, cui sua objurgatio sic respondet, quemadmodum habemus formam presentis loci. Utinam magis neminem objurgare necesse sit! hoc enim melius. Sed quoniam in multis offendimus omnes, mibi tacere non licet, cui ex officio incumbit peccantes arguere, magis autem urget charitas. Quod si arguero et fecero quod meum est, illa autem increpatio procedens minime quod suum est faciat, neque id ad quod misi illam, sed revertatur ad me vacua, tanquam jaculum feriens et resiliens: quid me animi tunc habere putatis, fratres? Nonne angor, nonne torqueor? Et ut mihi usurpem aliquid ex verbis Magistri, quia de sapientia (205) non possum: prorsus coarctor e duabus, et quid eligam nescio (*Philip. 1, 23, 22*): placuisse mihi in eo quod locutus sum, quoniam quod debui feci; an poenitentiam agere super verbo meo, quia quod volui, non recepi? Volui nimis perimere hostem, et eripere fratrem; et non feci sic, magis autem contrarium accidit; nam læsi animam, et culpam auxi, siquidem accessit et contemptus. Nolunt audire te, inquit, quia nolunt audire me (*Ezech. iii, 7*). Vides quæ majestas contemnit. Non te putas me solum sprevisse. Dominus locutus est; et quod dixit propheta, dixit et apostolis: *Qui vos spernit, ait, me spernit* (*Lue x, 16*). Non sum propheta, non sum apostolus; et prophetæ tamen et apostoli, audeo dicere, vice fungor: et quibus non æquor meritis, eorum implicor curis; et si ad meam multam confusionem, et si ad grande periculum mihi, super cathedram Moysi sedeo, cuius tam non vindico mibi vitam, nec experior gratiam. Quid tamen? num ideo cathedra non deferetur, quoniam occupata est ab indigno? Etiamsi Scribæ et Pharisæi in ea sedeant, inquit: *Quæ dicunt facite* (*Matth. xxiii, 2, 3*).

C 3. Plerumque etiam impatentia contemptui jungitur, ita ut aliquis non solum non curet corrigit, sed insuper objurganti indigetur, more phreneticæ manu medici repellentis. Mira perversitas! Medicanti irascitur, qui non irascitur sagittanti! Est enim qui sagittat in obscuro rectos corde (*Psal. x, 3*), qui et te ipsum nunc sagittavit ad mortem; et in illum non commoveris? Mihi indi-

gnaris, qui sanum te fieri cupio? *Irascimini*, inquit, A filio adhibuisse se sciatur, si demum frustratam se viderit, et omnes labores suos esse penitus inefficaces, illo nihilominus moriente, propterea unquam a fletibus temperavit? Et illa quidem hoc pro morte temporali; quanto magis me pro morte æterna mei filii manet utique ploratus et ululatus multus, etiamsi nihil mihi conscient sum, quominus annuntiaverim illi? Vides etiam a quantis e regione malis et se, et nos liberat, qui corruptus mansuetus respondet, veruscunde acquiescit, modeste obtemperat, humilietur confitetur. Huic ego animæ in omnibus me profitear debitorem, huic me ministram et servum, tanquam dignissimæ Domini mei sponsæ, et quæ revera dicere possit; *Cum esset rex in accubitu suo, nardus mea dedit odorem suum*.

B 4. Aliquoties additur et impudentia, ut non modo 1415 impatienter ferat quod corripitur, sed etiam id unde reprehenditur, impudenter defendat. Hoc plane desperatio. *Frons*, inquit, *mulieris meretricis facta est tibi; nolusti erubescere* (*Jerem. iii, 3*): et ait: *Recessit zelus meus a te, ultra non irascar tibi* (*Ezech. xvi, 42*). Solo auditæ contremisco. Sentisne quanti periculi, quantique horrois et tremoris res sit peccati defensio? Dicit iterum: *Ego quos amo, arguo et castigo* (*Apoc. iii, 19*). Sic ergo te zelus deseruit; et amor: nec eris amore dignus, qui indignum castigatione cœseris. Vides quia tunc magis irascitur Deus, dum non irascitur. *Misereamur impio*, inquit, *et non discet facere justitiam* (*Isa. xxvi, 10*). Misericordiam hanc ego nolo. S. per omnem iram miseratio ista, sepiens mihi vias justitiae. Satius profecto mihi, juxta Prophetæ consilium, apprehendere disciplinam, ne quando irascitur Dominus, et peream de via justa (*Psal. ii, 12*). Volo irascaris mihi, Pater misericordiarum; sed illa ira, qua cerrigis devium, non qua extrudis de via. Illud tua nobis benigna animadversio parit, hoc formidolosa nutrit dissimulatio. Non enim cum nescio, sed cum sentio te iratum, tunc maxime confido propitiū: etenim cum iratus fueris, misericordiae recordaberis. *Deus*, inquit, *tu propitiū fuisti eis, et ultiscens in omnes adinventiones eorum* (*Psal. xcvi, 8*). Moysen loquitur et Aaron, atque Samuelem, quos modo præmisserat; et hoc vocat propitiationem, quod eorum Deus non pepercit excessibus. I. nunc tu ergo, atque hanc tibi excludito in æternum, defendendo errorem, et accusando correptionem. An non istud est malum dicere bonum, et bonum, malum? An non ex hac odiosa impudentia pullulabit mox impenitentia, mater desperationis? Quem enim poneat super bono quod putat? Væ illis inquit (*Isa. v, 20*). Væ istud æternum est. Aliud est quemque tentari a propria concupiscentia abstractum et illicitum; et aliud sponte appetere malum tanquam bonum, ad mortem quasi ad vitam male securum properare. Pro hujusmodi, dico, mallem aliquando tacuisse et dissimulasse quod agi perperam deprehendi, quam ad tantam reprehendisse perniciem.

C 5. Dicas forsitan mihi, quod bonum meum, ad me revertatur, et quia liberavi animam meam, et mundus sum a sanguine hominis, cui aonuntiavi et locutus sum, ut averteretur a via sua mala, et viveret. Sed etsi innumera talia addas, me tamen minime ista consolabuntur, mortem filii intuentem. Quasi vero meam illa reprehensione liberationem quæsierim, et non magis illius! Quæ enim mater, etiamsi omnem quam potuit curam et diligentiam ægrotanti

7. Vides igitur non esse id ipsum, hominem de se ipso non altum, jam sapere, veritate luminis redargutum; et humilibus sponte consentire, munere charitatis adjutum. Illud enim necessitatis est, hoc voluntatis. *Semetipsum exinanivit*, inquit *formam servi accipiens* (*Philip. ii, 7*), formam humilitatis tradens. Ipse se exinanivit, ipse se humiliavit, non necessitate judicii, sed nostri charitate. Poterat nimis vilem se et contemptibilem demonstrare, sed plane non reputare, quoniam sciebat se ipsum. Volutate proinde humilius fuit, et non judicio, qui ta-

lem se obtulit, qualem se esse nescivit (206); magis autem placuit minimum reputari, qui se summum non ignorabat. Denique ait: *Discite ame quia mitis sum et humilis corde* (Matth. xi, 29), *corde dixit, cordis affectu, id est voluntate.* Itaque necessitatem exclusit, qui voluntatem confessus est. Non enim quomodo ego vel tu invenimus nos in veritate dignos dedecore et contemptu, dignos omni extremitate et inferioritate, dignos etiam suppliciis, dignos plagiis; non, inquam, ita et ille: quæ tamen omnia expertus est, quia voluit, tanquam humiliis corde; humili videlicet illa humilitate, quam cordis suasit affectio, non quam extorsit discussio veritatis.

8. Propterea dixi, hanc voluntariae humiliatis speciem, non redargutione veritatis, sed charitatis intra nos infusione creari, quia cordis est, quia affectionis, quia voluntatis: an vere recte, tu judica. Itemque etiam hoc tuo æque examinetur iudicio, dignene eamdem Domino assignarim, quem charitate constat exinanitum, charitate minoratum ab angelis, charitate parentibus subditum, charitate Baptistarum manibus inclinatum, charitate carnis infirma passum, charitate postremo morti obnoxium, cruce inglorium extitisse. Sed et hoc unum adhuc tui sit considerare arbitrii, rectene etiam hanc ipsam humiliatem ita charitate calentem, herba humili et calida id est nardo, putaverim designatam. Et si ita cuncta probaveris (probabis enim rationi manifestissimæ acquiescens) tunc si jam apud te ipsum humiliatus es necessaria illa humilitate, quam scrutans corda et renes Veritas sensibus ingerit animæ vigilantis; adhibe voluntatem, et fac de necessitate virtutem, quoniam nulla est virtus sine convenientia voluntatis [alias, conniventia voluntatis.] Sic autem fiet istud, si nolis alter apparere foris, quam te invenis intus. Alioquin time, ne de te ipso legas: *Quoniam dolose egit in conspectu ejus, ut inveniatur iniquitas ejus ad odium* (psal. xxxv, 3). *Pondus, inquit et pondus abominationis est apud Deum* (Prov. xx, 10). Quid enim? tu te depretiaris in secreto apud te ipsum, veritatis trutina ponderatus; et foris alterius pretii mentiens, majori te pondere vendis nobis, quam ab ipsa accepisti? Time Deum, et noli hanc rem pessimam facere, ut quem humiliat veritas, extollat voluntas: hoc enim resistere est veritas, hoc pugnare contra Deum. Magis 1417 autem acquiesce Deo, et sit voluntas subdita veritati; nec tantum subdita, sed et devota. *Nonne Deo, inquit, subjecta erit anima mea?* (Psal. lx, 2.)

9. At parum est esse subjectum Deo, nisi sis et omni humane creature propter Deum; sive abbat, tanquam præcellenti; sive prioribus, tanquam ab eo constitutis. Ego plus dico, subdere patribus, subdere et minoribus. *Sic enim decet nos, inquit, omnem impolare justitiam* (Matth. iii, 15). Vade et tu ad minorem, si vis in justitia esse perfectus; defer infe-

11. Primitivæ Ecclesiæ potes hunc congruen-

(206) Aliis, qualem esse nescivit. subaudiendo se ex proximo membro, id est qualem se non esse intellexit, nempe vitem et contemptibilem.

Ariori juniori te inclinato. Hoc enim faciens, trahes et ipse ad te sponsæ sermonem quem dixit: *Quia nardus mea dedit odorem suum.* Odor devotio est, odor bona opinio, quæ ad omnes pervenit, ut Christi sis bonus odor in omni loco, spectabilis omnibus, amabilis omnibus. Non potest hoc ille humili, quem veritas ad humilitatem cogit; quoniam sibi habet illam, et exire non patitur, ut sparsa foris redoleat. Magis autem non habet odorem, quia non habet devotionem, utpote qui non sponte, neque libenter se humiliat. Sponsæ vero humilitas, tanquam nardus, spargit odorem suum, amore calens, devotione vi-gens, opinione redolens. Sponsæ humilitas voluntaria est, perpetua est, fructifera est. Odor ejus nec reprehensione exterminatur, nec laude. Audierat: *Pulchra sunt genæ tuae sicut turturis et collum tuum sicut monilia* (Cant. i, 9). Accepera te trepromissionem ornatus aurei, et nihilominus tamen cum humiliitate respondet: et quanto majorem se audit, tanto humiliat se in omnibus. Non gloriatur in meritis, nec inter laudes suas humiliatis obli-viseatur, quam et humiliiter confitetur sub nardi nomine; ac si voce virginis Mariæ dicat: Nullius mihi meriti conscientia sum ad tantam dignationem, nisi quod respexit Deus humiliatem ancillæ suæ (Luc. i, 48). Nam quid est aliud, *nardus mea dedit odorem suum*, quam: Placuit mea humiliatis? Non mea, inquit, sapientia, non mea nobilitas, non mea pulchritudo, quæ nulla erant mihi, sed quæ sola inerat humiliatis dedit odorem suum, id est solitum. Solito placet Deo humiliatis; solito plane atque ex con-suelo excelsus Dominus humiliata respicit; et ideo, cum esset rex in accubitu, id est in excelso habitaculo suo, illuc quoque humiliatis odor ascendit. *In altis habitat, inquit, et humiliata respicit in caelo et in terra* (Psal. cxii, 5, 6).

10. Ergo, cum esset rex in accubitu suo, nardus sponsæ dedit odorem suum. Accubitus regis, sinus est Patris: quia semper in Patre Filius. Nec dubites regem hunc esse clementem, cui perennis accubitus est paternæ benignitatis diversorum. Merito clamor humilium ascendit ad eum, cui fons pietatis est mansio, cui familiaris suavitatis, cui substantialis, vel potius consonantialis bonitas est: cui ideo totum quod est, de Patre est, ut nil prorsus in regia maiestate, nisi paternum, humilium trepidatio suscipetur. Denique: *Propter miseriam inopum et genitum pauperum nunc exsurgam, dicit Dominus* (Psal. xi, 6). Horum igitur conscientia sponsa, utpote domestica atque charissima, non se putat arcendam (alias, arctandam) sponsi gratis penuria meritorum, sola de humiliitate præsumens. Regem denique nominat, nam sponsum interim territa increpatione non audet; et in alto habitare fatetur, nec sic tamen diffidit humiliatis.

11. Primitivæ Ecclesiæ potes hunc congruen-

sime aptare sermonem, si recordaris dies illos, quibus, assumpto Domino ubi erat prius, et sedente in dextera Patris, illo suo antiquo nobili atque glorioso accubitu, discipuli erant congregati in loco uno, perseverantes unanimiter in oratione cum mulieribus et Maria matre Jesu, et fratribus ejus (Act. i, 13, 14). Nonne tibi videatur revera tune temporis nardum parvula et trepidantis sponsæ dare odorem suum? Denique, cum factus est repente de cœlo sonus, tanquam adveniens spiritus vehementis, et replevit totam domum ubi erant sedentes (Act. ii, 2), an non merito paupercula tunc dicere potuit: *Cum esset rex in accubitu suo, nardus mea dedit odorem suum!* Patuit pro certo omnibus in loco manentibus, quam gratus humiliatis, et quam beneplacitus odor ascenderat, cui mox tam

B1418 copiosa et gloriosa remuneratione responsum est. Cæterum illa non ingrata beneficia fuit. Audi enim quomodo mox repleta devotione parat se ad omnia mala preferenda pro nomine ejus: nam sequitur: *Fasciculus myrræ dilectus meus mihi, inter ubera mea commorabitur.* Infirmitas mea, quam noster, non sinit ulterius progredi. Hoc solum dico, quia tribulationum amaritudinis sub myrræ nomine dicit se subire paratam amore dilecti. Reliquum capituli alias prosequemur, si tamen exoratus a vobis Spiritus sanctus adfuerit. qui nos intelligere faciat verba sponsæ, quæ ipse inspirando formavit, sicut novitius, cuius ipse Spiritus est, laudibus convenire, sponsi Ecclesiæ Jesu Christi Domini nostri, qui est super omnia Deus benedictus in sæcula. Amen.

SERMO XLIII.

Qualiter consideratio passionis et laborum Christi faciat sponsam, id est animam, pergere illæsam inter prospera et adversa hujus mundi.

1. *Fasciculus myrræ dilectus meus mihi, inter ubera mea commorabitur* (Cant. i, 12). Ante rex, modo dilectus; ante in accubitu regio, modo inter sponsæ ubera. Magna humiliatis virtus, cui etiam Deitatis majestas tam facile se inclinat. Cito reverentiae nomen in vocabulum amicitia mutatum est: et qui longe erat, in brevi factus est prope, *Fasciculus myrræ dilectus meus mihi.* Myrra, amara res, dura et aspera tribulationum significat. Ea sibi dilecti causa imminere propiciens, gratulabunda id loquitur, confidens se omnia viriliter subitum. **C**Ibant, inquit, gaudentes discipuli a conspectu concilii, quoniam digni habiti sunt pro nomine Jesu contumeliam pati (Act. v, 41). Propterea denique non fascem, sed fasciculum dilectum dicit, quod leve præ amore ipsius ducat, quidquid laboris immineat et doloris. Bene fasciculus, quia parvulus natus est nobis (Isa. ix, 6). Bene fasciculus, quia non sunt condignæ passiones hujus temporis ad futuram gloriam quæ revelabitur in nobis (Rom. viii, 18). *Id enim, inquit, quod in præsentie est momentaneum et leve tribulationis nostræ supradmodum in sublimitate æternum pondus gloriae operatur in nobis* (II

ACor. iv, 17. Erit ergo quandoque nobis ingen scumulus gloriæ, qui modo est fasciculus myrræ. An non fasciculus, cuius jugum suave est, et onus leue? (Math. xi, 30.) Non quia levis in se (nec enim levis passionis asperitas, mortis amaritudo), sed levis tamen amanti. Et ideo non ait tantum: *Fasciculus myrræ dilectus meus;* sed: *Mihi,* inquit, quæ diligo fasciculus est. Unde et dilectum nominat, monstrans dilectionis vim omnium amaritudinum superare modestiam, et quia fortis est ut mors dilectio (Cant. viii, 6). Et ut scias non in se illam, sed in Domino gloriari, neque de propria virtute, sed de Domini adjutorio præsumere fortitudinem; dicit illum inter ubera sua commoraturum, cui secura decaret: *Etiamsi ambulavero in medio umbræ mortis, non timebo mala, quoniam tu tecum es* (Psal. xxxi, 4).

2. Memini me in uno superiore sermonum (Serm. 10, num. 1) duo sponsæ ubera congratulationem definisse atque compassionem, juxta Pauli doctrinam, dicentes: *Gaudere cum gaudientibus, flere cum flentibus* (Rom. xi, 15). Quia vero inter adversa et prospera versans, novit utrobique pericula non deesse; medium hujuscemodi uberum suorum vult habere dilectum, cuius adversus utraque continua protectione munitam nec læta extollant, nec tristia dejiciunt. Tu quoque, si sapis, imitaberis sponsæ prudentiam, atque hunc myrræ tam charum fasciculum de principali tui pectoris, nec ad horam patieris avelli; amara illa omnia quæ pro te pertulit, semper in memoria retinens, et assidua meditatione revolvens, quo possis dicere et tu: *Fasciculus myrræ dilectus meus mihi, inter ubera mea commorabitur.*

3. Et ego, fratres, ab ineunte mea conversione pro acervo meritorum, quæ mihi deesse sciebam hunc mihi fasciculum colligare, et inter ubera mea collocare curavi, collectum ex omnibus anxietatibus et amaritudinibus Domini mei: primum videlicet, infantilium **D**1419 illarum necessitatum; deinde, laborum quos pertulit in prædicando, fatigationum in discurrendo, vigilarum in orando, tentationum in jejunando, lacrymarum in compatiendo, insidiarum in colloquendo; postremo, periculorum in falsis fratribus, conviciorum, sputorum, colaphorum, subsannationum, exprobationum, clavorum, horumque similium, quæ in salutem nostri generis silva evangelica copiosissime noscit protulisse. Ubi sane inter tot odoriferæ myrræ hujus ramusculos minime prætermittendam pulavi etiam illam myrram, qua in cruce potatus est; sed neque illam qua unctus est in sepultura. Quaram in prima applicuit sibi meorum amaritudinem peccatorum; in secunda futuram incorruptionem mei corporis dedicavit. Memoriam abundantiae suavitatis horum eructabo, quoad vixerim; in æternum non obli-viscar miserationes istas, quia in ipsis vivificatus sum.

4. Has olim sanctus David cum lacrymis requirebat: *Veniant mihi, inquiens, miserationes tuæ, et*